

Gvangjsih Minzczuz Bau

广西民族报 aenhauh okbanj: CN45-0036 B.2021 Nd.9 Ng.8 liggaueq sincouj nienz ndwenbet co' ngeih

Baihguenjbanh:
Gvangjsih Bouxcuengh Swcigih
Minzczuz Cunghgyau Swvu
Veijyenzvei
Biengauj okbanj:
Gvangjsih Minzczuz Bause
Geizsoq: Gungh daih 3490 geiz
Geiz neix 8 banj

Yinzminz Yizbau, Sinhvasse Daengj Cunghyangh Meizdij Comzyawj Gvangjsih Minzczuz Doxgiet Cinbu Cauhlaeb

人民日报、新华社等中央媒体聚焦广西民族团结进步创建

Mboengqneix, gij gangviah youq-gaenj Siz Ginbingz cungjsuhgi youq Aen Hoih Hong Minzczuz Cunghyangh youq gak hangz gak nieb ndawbiengz fanjyienj hoengghwd. Ndwen 8 ngoenz 30, Yinzminz Yizbau, Sinhvasse daengj cunghyangh meizdij bauqlwnh le gij saedguh Gvangjsih cukmaenh gij eiqsik caezcaemh Cunghvaz Minzczuz, doidoengh hong minzczuz seizdaih moq hwngfat youh ndei youh vaiq.

Ndwen 8 ngoenz 30, Yinzminz Yizbau banjdaeuz daeng bien faenz-cieng 《Laemxsim Dingjmaenh Byaij

Diuzroen Cinjdeng Gaijgez Minzczuz Vwndiz Miz Daegsaek Cungguk—Gij Gangviah Youqgaenj Siz Ginbingz Cungjsuhgi Youq Aen Hoih Hong Minzczuz Cunghyangh Gak Cuz Ganbu Vunzlai Fanjyienj Hoengghwd. “Siz Ginbingz cungjsuhgi naeuz, dauqyawj gij ginglig bak bi aendangj, hong minzczuz aendangj aeundaej cingzcik cei q hung, couhdwg byaij ok le diuzroen cinjdeng gaijgez minzczuz vwndiz miz daegsaek Cungguk ndeu.” Gvangjsih Bouxcuengh Swcigih Minzczuz Cunghgyau Swvu Veijyenzvei dangjcuj suhgi, cujyin Banh Cunghboz

mwh ciepsouh Yinzminz Yizbau gicej caijfangj naeuz, “gij gangviah youq-gaenj Siz Ginbingz cungjsuhgi vih guh ndei hong minzczuz aendangj seizdaih moq vix cingcuj fueng'yiengq baenaj, gunghawj le gaenbonj ciuqei. Raeuz itdingh daj gizsang gij canloz Cunghvaz Minzczuz fukhwng hungmbwk gaemdawz gij lizsij fueng'vih hong minzczuz aendangj seizdaih moq, aeu saedyienh Cunghvaz Minzczuz fukhwng hungmbwk guh gizhwnjdin caeuq gizdoekdin, dunglez maeuz-veh caeuq doicaenh hong minzczuz aendangj seizdaih moq. Raeuz aeu daezsang diegndwn roxyiuj, itloh aeu

hong minzczuz cuengq youq diegvih youqgaenj, cienzmienh doicaenh cauhaeb minzczuz doxgiet cinbu coh ndawlaeg hwngfat.”

Youq Nanzningz Si Cunghvaz Cunghlu Segih, gyauejvunz minzczuz vunnnoix daih'iek ciemq gyauejvunz cungsoq sam faenh cih it, lai aen minzczuz comz youq caez angq raen miz lai. “Bang vunzlai minzczuz vunnnoix gaijgez aen vwndiz gip hoj nanz you muengh dwg gij gaenbonj guh ndei hong minzczuz doxgiet segih.” Cunghvaz Cunghlu Segih dangjveij suhgi Se Vazgenh naeuz.

(Liu Ciyungz)



Lozcwngz: Bae Hagdangz Gangj Gimqdoeg

罗城：禁毒宣传进校园

Ndwen 9 ngoenz 3, Lozcwngz Mulaujcz Swciyen Genjcazyen cujcz vunn bae daengz Daihngieih Siujoyz ndaw yienh guh aen hozdung gangj gij caizhag gimqdoeg cawjdae dwg “seizcoz fouz doeg, ndawhag cangqheiq”, doenggvaq dangciengz gangjgej caizhag gimqdoeg, fat senhconz swliu, funghcigboq cunz gangj daengj hingzik gangj gij sienghaih huqdoeg hawj hagseng rox, hawj gyoengqde lai rox huqdoeg, doi huqdoeg, fuengz huqdoeg, sonyinx hagseng ndiepgyaez diuzmingh, lizgyae huqdoeg.

(Mungz Cwnghsw h ingj)

《Dahlizgyangh Gyaundeih》Youq Aen Gaihmsiz Comzyienj Vwnzyi Minzczuz Vunznnoix Daengx Guek Yienjok Ndeiyawj

《壮美漓江》在全国少数民族文艺会演开幕式上精彩亮相

Ndwen 8 ngoenz 31 banhaemh, gofoux 《Dahlizgyangh Gyaundeih》youq aen gaihmsiz Gaij Daihroek Comzyienj Vwnzyi Minzczuz Vunznnoix Daengx Guek youq Baekging banh haenx yienjok, langhbaej fuk veh bya dah Gvangjsih gyaundeih ndeu. Gij sing go ndeidingq canghgo Bouxcuengh Lij Veihungz, Veiz Cingzcingz caeuq aen doih yienj dingzdingj Bouxcuengh hawj vunn sim maez.

《Dahlizgyangh Gyaundeih》dwg aen cezmuiz daih 13 daizheiq neix. De yungh diuh Cunghvaz Minzczuz guh giek, beiging yungh gij gingj caen bya dah caeuq 《Yaengsiengq Liuz Sanhcej》doxlumj daeuj yienh'ok gij gyaundeih bya dah, cau h'ok gij yaugoj ndeiyawj hawj vunn. Bya ndaw mok, ngauez gyang raemx, fwn doek cece, ronghndwen ronghsaw, caezcaemh cauhaenz gij gingj gyaundeih, yienh'ok gij gyaundeih bya dah

Gveilnz, yienh'ok le gij deihbouh mbwn vunn doxhab; gij yaugoj mok daegbied yienh'ok minzczuz fungcingz Bouxcuengh, gij daeng ruz dwkbya Dahlizgyangh; menhmenh gyahaeuj aen doih fwen ciuhgeq Bouxcuengh caeuq cau hmoq danz dingzdingj, yungzhaeuj gyang bya dah bae, yienj gij ndeidingq ndeiyawj hawj vunn. Daj daengx daizheiq yawj, 《Dahlizgyangh Gyaundeih》caeuq cezmuiz wng mbouj doxdoengz, de yienh'ok gij yinxdaeuz daegbied vunnvza Mbanjcuengh. De aeu daihneix caeuq ciuhgeq doxyungz, yungh dizginz hung yienj ok aen cawjdae Dahlizgyangh, cugciemh gyahaeuj habciengq, caphaeuj fwenleux, danzciengq diuh dingzdingj Ginhlungz daengj fwen ciuhgeq Bouxcuengh Gvangjsih, yienh'ok gij gyaundeih Dahlizgyangh, gij gyaundeih Mbanjcuengh gag miz daegsaek.

(Ciengj Linz)

Cuengh Gun Song Vahsaw Hag Coenzgim

壮汉双语学金句

Cungguk beksingq coengzlaiz mbouj hangz, apbik, dangq hoiq sawj gvaq beksingq guekgia wng, doenghbaez mbouj miz, seizneix mbouj miz, daengzcog hix mbouj miz. Doengzseiz, Cungguk beksingq hix mbouj dapwngq saek loh seiqlig baihrog hangz, apbik, dangq hoiq sawj raeuz, bouxlazw naemj baenzneix guh, itdingh youq baihnaj cangzcwngz gangdied 14 ik lai Cungguk beksingq yungh lwed noh guh baenz haenx bungq dwk gyauej dek lwed lae!

——Gij gangviah Siz Ginbingz youq Aen Hoih Angqhoh Cungguk Gungcanjdangj Laebbaenz 100 Hopbi

中国人民从来没有欺负、压迫、奴役过其他国家人民，过去没有，现在没有，将来也不会有。同时，中国人民也绝不允许任何外来势力欺负、压迫、奴役我们，谁妄想这样干，必将在14亿多中国人民用血肉筑成的钢铁长城面前碰得头破血流！

——习近平 2021年7月1日在庆祝中国共产党成立100周年大会上的讲话